

Møteprotokoll

Utvalg: Nasjonalparkstyret for Jotunheimen og Utladalen
Møtested: Telefon
Dato: 23.01.2014
Tidspunkt: 11:30 – 12:45

Følgjande faste medlemmer møtte:

Namn	Funksjon	Representerer
Mai Bakken	Leiar	Lom
Ivar Kvalen	Nestleiar	Luster
Iselin Jonassen	Medlem	Vågå
Frida Melvær	Medlem	Sogn og Fjordane f.k.

Følgjande medlemmer hadde meldt forfall:

Namn	Funksjon	Representerer
Vidar Eltun	Medlem	
Arild Ingar Læg Reid	Medlem	
Jørاند Ødegaard Lunde	Medlem	

Følgjande varamedlemmer møtte:

Namn	Møtte for	Representerer
Marie-Helene H. Brandsdal	Arild Ingar Læg Reid	Årdal

Merknader

Vararepresentantar var innkalla for dei som ikkje kunne møte, men to av desse hadde også gyldig forfall (Vang kommune og Oppland fylkeskommune)

Frå administrasjonen møtte:

Namn	Stilling
Magnus Snøtun	Nasjonalparkforvaltar
Kari Sveen	Nasjonalparkforvaltar
Rigmor Solem	SNO

Underskrift:

Vi stadfestar med underskriftene våre at det som er ført på dei sidene vi har signert i møteboka, er i samsvar med det som vart vedteke på møtet.

Saksliste

Utvals- saksnr	Innhald	Lukka	Arkiv- saksnr
ST 1/2014	Godkjenning av protokoll/innkalling		
ST 2/2014	Referatsaker		
RS	Informasjon frå DNT - Dugnadsarbeid på rutenettet i fjellet for 2014		2013/8374
RS	Miljødirektoratet - Kvitteing for levert søknad – bestillingsdialogen 2014		2013/7773
ST 3/2014	Delegerte vedtak		
1/2014	Jotunheimen nasjonalpark - Dispensasjon - Motorferdsel - 2014 - Delegert vedtak - Løyve til bruk av snøscooter for saueleiting - Jo Øien		2014/25
ST 4/2014	Nasjonalparkstyret for Jotunheimen og Utladalen - delegering til arbeidsutvalet		2013/575
ST 5/2014	Nasjonalparkstyret for Jotunheimen og Utladalen - Årshjul og møteplan for vår 2014		2014/523
ST 6/2014	Jotunheimen nasjonalpark - Dispensasjon - 2014 - Innsamling av aurskrinneblom (Cardaminopsis petraea) - Astrid Wingler - Department of Genetics, Evolution and Environment University College London		2014/406
ST 7/2014	Jotunheimen nasjonalpark og Utladalen landskapsvernområde - Motorferdsel - 2014-2016 - Kjentmannskøyning - Luster Røde Kors hjelpekorps		2013/7997
ST 8/2014	Utladalen landskapsvernområde - Motorferdsel - 2014-2016 - Snøskuterløyve for transport og tilsyn Vetti og Vettismorki - Vetti Gard Turiststasjon		2013/8895
ST 9/2014	Utladalen landskapsvernområde - Motorferdsel - 2014-2016 - Transport av ved, varer og utstyr til Heimre og Fremre Hjelledalen - Vidar Hjelle		2013/8465
ST 10/2014	Jotunheimen nasjonalpark - Dispensasjon - Motorferdsel - 2013 - Autofil-reportasje i Jotunheimen - Autofil v/ journalist / prosjektkoordinator Stein Inge Stølen		2013/8016
ST 11/2014	Jotunheimen nasjonalpark - Dispensasjon - 2013 - Ny bru over Blåtjønnåe - DNT Oslo og Omegn / Rusdalen Beitelag		2014/190
ST 12/2014	Eventuelt		
ST 13/2014	Jotunheimen nasjonalpark - Dugnadsarbeid på rutenettet i fjellet 2014 - Dispensasjon for omlegging av DNT-sti sør for Olavsbu - Den Norske Turistforening Oslo og Omegn		2013/8374

ST 1/2014 Godkjenning av protokoll/innkalling

Saksprotokoll i Nasjonalparkstyret for Jotunheimen og Utladalen - 23.01.2014

Vedtak

Saksprotokoll frå styremøte 20.11.13 og innkalling til telefonmøte 22.01.14. godkjent.

Marie-Helene og Frida Melvær vart valde til å skrive under protokollen saman med styreleiar.

ST 2/2014 Referatsaker

Saksprotokoll i Nasjonalparkstyret for Jotunheimen og Utladalen - 23.01.2014

Merknader til referatsakene:

- RS 1/2014:
Informasjon frå DNT - Dugnadsarbeid på rutenettet i fjellet for 2014
Ei omlegging i rutenettet vert teke opp som styresak 13/2014
- RS 2/2014
Miljødirektoratet - Kvittering for levert søknad – bestillingsdialogen 2014
Fylt ut i tråd med prioriteringar i styresak 41/2013.
Det er i tillegg lagt inn søknad om eit beløp på 20.000 kroner knytt til gjennomføring av prosjektet *Barnas Naturoppsyn*, som i sak 41/2013 berre ligg inne med tenestekjøp SNO. Ressursar til transport kan vera ein føresetnad for gjennomføring (konklusjon i førebels arbeidsmøte SNO/nasjonalparkforvaltar)

Vedtak

Referatsakene vert tekne til etterretning.

Informasjon frå DNT - Dugnadsarbeid på rutenettet i fjellet for 2014 **2013/8374**

Miljødirektoratet - Kvittering for levert søknad – bestillingsdialogen 2014 **2013/7773**

ST 3/2014 Delegerte vedtak

Saksprotokoll i Nasjonalparkstyret for Jotunheimen og Utladalen - 23.01.2014

Vedtak

Delegerte vedtak vert tekne til etterretning

1/2014 Jotunheimen nasjonalpark - Dispensasjon - Motorferdsel - 2014 - Delegert vedtak - Løyve til bruk av snøscooter for saueleiting - Jo Øien 2014/25

ST 4/2014 Nasjonalparkstyret for Jotunheimen og Utladalen - delegering til arbeidsutvalet

Saksprotokoll i Nasjonalparkstyret for Jotunheimen og Utladalen - 23.01.2014

Vedtak

Nasjonalparkstyret for Jotunheimen og Utladalen delegerer avgjerdsmakta for følgjande sakstypar til AU:

- Dispensasjonssøknader der det klart går fram av forvaltningsplanen om løyve kan/bør gjevast
- Irreversible tiltak som f.eks. byggjetiltak og terrenginngrep vert i utgangspunktet ikkje delegert, men AU kan i hastesaker likevel kunne behandle mindre tiltak som t.d. fasadeendring og mindre bygningsmessige tilpassingar på eksisterande bygg og anlegg.
- Søknader om forlenging av dispensasjon frå verneforskriftene, når søkjar har fått løyve tidlegare.

Saker behandla i AU skal refererast for styret i komande møte.

ST 5/2014 Nasjonalparkstyret for Jotunheimen og Utladalen - Årshjul og møteplan for vår 2014

Saksprotokoll i Nasjonalparkstyret for Jotunheimen og Utladalen - 23.01.2014

Justert forslag, for tilpassing til søknadsfristar i merkevareprosjektet lagt fram.

Vedtak

Nasjonalparkstyret må møtast jamleg for å kunne behandle dispensasjonssaker og vurdere tiltak . Det bør gjennomførast minst eitt møte med synfaring i verneområdet og elles nokre fysiske møte saman med telefon/videomøte.

Årshjul for nasjonalparkstyret:

- Fysisk møte: April, juni og oktober
- Møte med synfaring: september
- Andre møte: Om lag ein gong i månaden. Varierende styremøte og AU-møte (basert på delegasjonsreglane). Telefon-/videomøte

Møtedatoar 1. halvår 2014 endra i tråd med orientering/diskusjon (kan bli justert):

- 23. januar
- 17. februar
- 07. april
- 23. mai
- 23. juni

ST 6/2014 Jotunheimen nasjonalpark - Dispensasjon - 2014 - Innsamling av aurskrinneblom og fjellskrinneblom - Astrid Wingler - Department of Genetics, Evolution and Environment University College London

Saksprotokoll i Nasjonalparkstyret for Jotunheimen og Utladalen - 23.01.2014

Vedtak

Med heimel i naturmangfaldlova § 48 får Dr. Astrid Wingler – Department of Genetics, Evolution and Environment, University College London – dispensasjon frå verneforskrifta for Jotunheimen nasjonalpark § 3 pkt. 2.1 for innsamling av aurskrinneblom og fjellskrinneblom i tråd med søknad ved e-post av 16.12.13. Løyvet inneber at det er høve til å samle inn frø og bladmateriale av artane *Arabidopsis lyrata* ssp *petraea* (aurskrinneblom) og *Arabis alpina* (fjellskrinneblom) for forskingsformål.

Dispensasjon vert gjeve på følgjande vilkår:

- Løyvet gjeld frå 2014, i områda framfor Bjørnbreen og Tverråbreen.
- Det skal berre samlast inn det som er nødvendig for dokumentasjon og analysar av dei utvalde artane.
- Uttaket må ikkje vera av slik omfang at det kan medføre fare for at arten kan forsvinne eller få vesentleg tilbakegang på dei utvalde lokalitetane innan nasjonalparken.
- For tilbakemelding til nasjonalparkforvaltninga om resultatata av undersøkingane vil ein be om kopi av eventuelle fagrapportar.

ST 7/2014 Jotunheimen nasjonalpark og Utladalen landskapsvernområde - Motorferdsel - 2014-2016 - Kjentmannskøyring - Luster Røde Kors hjelpekorps

Saksprotokoll i Nasjonalparkstyret for Jotunheimen og Utladalen - 23.01.2014

Vedtak

Nasjonalparkstyret for Jotunheimen og Utladalen gjev etter § 48 i naturmangfaldslova løyve til kjentmannskøyring for Luster Røde Kors Hjelpekorps i samsvar med øvingsplan på følgjande ruter med påfølgjande vilkår i Jotunheimen nasjonalpark og Utladalen landskapsvernområde:

1. Turtagrø – Skogadalsbøen – Sognefjellshytta – Turtagrø
2. Sognefjellshytta – Fanaråkbreen
3. Turtagrø – Tindeklubbhytta
4. Turtagrø – Soleiebotn – Berdalsbreen
5. Turtagrø – Ringsdalen

Vilkår:

- Nasjonalparkstyret er oppnemnd for inneverande kommunestyreperiode og det er ikkje vanleg å gje løyve som går for langt inn i neste styre sin periode. Løyvet vert derfor gjeve ut styreperioden, dvs. 2014, 2015 og 2016.
- Tidsrom:
 - o Trase 1 og 2:
 - Inntil 3 turar mellom 1. februar til og med palmelaurdag for kvart av åra.
 - o Trase 3, 4 og 5:
 - Inntil 1 tur mellom 1. februar til og med palmelaurdag for kvart av åra
 - Inntil 2 turar mellom 10. april og 15. mai kvart av åra
- Kjentmannsturar skal ikkje gjennomførast mellom palmelaurdag og 2. påskedag, heilag dagar og søndagar.
- Det skal visast generelt omsyn til andre interesser og naturverdiar i området.
- Det skal tas særskild omsyn til villreinen i området.
- Etter retningslinjene for kjentmannskøyring, skal lokal redningsentral varsel forvaltninga ved utskrivning av køyreordre. For å kunne informere om villreinen i området, skal lokalt SNO varslast per telefon i forkant av kjentmannsturane (tlf. 959 65 158).
- Dato og talet på snøskuterar skal rapporterast til nasjonalparkforvaltar innan 01. juni kvart år.
- Øvingsplanen skal vera godkjend av politiet.

ST 8/2014 Utladalen landskapsvernområde - Motorferdsel - 2014-2016 - Snøskuterløyve for transport og tilsyn Vetti og Vettismorki - Vetti Gard Turiststasjon

Saksprotokoll i Nasjonalparkstyret for Jotunheimen og Utladalen - 23.01.2014

Merknad frå SNO: Vanskeleg å unngå kjøring søndagar. Viktig at alle førarar gjer seg kjende med reglane for løyvet.

Vedtak

Nasjonalparkstyret for Jotunheimen og Utladalen gjev etter pkt. IV, 8 i forskrift om Utladalen landskapsvernområde løyve til motorferdsel til Vetti Gard Turiststasjon v/Berit Vetti for transport av varer og material til Vetti og Vettismorki i Utladalen landskapsvernområde:

- Inntil 30 turar årleg mellom taubana og Vettismorki og transport av ved og varer i stølsområdet. Løyvet gjeld ikkje persontransport.
- For transport etter Vettisvegen gjeld reglane datert 17.11.1977
- Ein tur Vettismorki-Fv.53 Årdal-Tyin t/r for service av skuter ein gong i treårsperioden.

Løyve er gjeve på følgjande vilkår:

- Løyvet for motorferdsel gjeld for 2014, 2015 og 2016.
- Løyvet gjeld ikkje heilag dagar (palmesøndag, skjærtorsdag, langfredag og 1. påskedag).
- Løyvet gjeld for snøskuter med reg. nr. HV4192 (til Vetti) og reg. nr. JR8670 på Vettismorki.
- Omfanget av skuterbruk skal avgrensast til det som er strengt naudsynt og i størst mogleg grad følgje ein fast trase.
- Snøskuterløyvet skal delast ut til alle aktuelle førarar, og takast med under kjøring.
- Transportperiodar mellom taubana og Vettismorki skal varslast til naturoppsyn Rigmor Solem på førehand (mobil 959 65 158).
- Det skal kvart år sendast skriftleg rapport til nasjonalparkforvaltar om gjennomført motorferdsel innan 1.november.

ST 9/2014 Utladalen landskapsvernområde - Motorferdsel - 2014-2016 - Transport av ved, varer og utstyr til Heimre og Fremre Hjelledalen - Vidar Hjelle

Saksprotokoll i Nasjonalparkstyret for Jotunheimen og Utladalen - 23.01.2014

Vedtak

Nasjonalparkstyret for Jotunheimen og Utladalen gjev etter pkt. IV, 8 i forskrift om Utladalen landskapsvernområde løyve til motorferdsel til Vidar Hjelle for transport av varer og material til stølane i Hjelledalen i Utladalen landskapsvernområde:

1. Inntil 3 dagar årleg i samband med transport av ved rundt Fremre Hjelledalen
2. 1 tur/retur langs kortaste sikre trase til Fv. 53 Tyin-Årdal i løpet av løyveperioden for vedlikehald av snøskuter.
3. Inntil 1 hiv årleg til kvar av stølane i Hjelledalen med helikopter for transport av varer og material.

Løyve er gjeve på følgjande vilkår:

- Løyvet for motorferdsel gjeld for 2014, 2015 og 2016.

- Løyvet gjeld ikkje heilag dagar (palmesøndag, skjærtorsdag, langfredag og 1. påskedag).
- Løyvet gjeld for snøskuter med reg. nr. XX9795 og for månadane februar, mars og april.
- Snøskuter skal lagrast inne i løa på Fremre Hjelledalen.
- Omfanget av skuterbruk skal avgrensast til det som er strengt naudsynt.
- Det kan ikkje kjørast ovafor skoggrensa.
- Løyve for bruk av helikopter gjeld perioden frå juni til og med november.
- Tidspunkt for motorferdsel etter pkt. 1-3 skal varslast til naturoppsyn Rigmor Solem (mobil 959 65 158 eller e-post) seinast dagen før.
- Det skal kvart år sendast skriftleg rapport til nasjonalparkforvaltar om gjennomført motorferdsel innan 1.november.

ST 10/2014 Jotunheimen nasjonalpark - Dispensasjon - Motorferdsel - 2013 - Autofil-reportasje i Jotunheimen - Autofil v/ journalist / prosjektkoordinator Stein Inge Stølen

Saksprotokoll i Nasjonalparkstyret for Jotunheimen og Utladalen - 23.01.2014

Vedtak

Med heimel i § 5.1 i verneforskrift for Jotunheimen nasjonalpark avslår Nasjonalparkstyret søknad frå Autofil v/ Stein Inge Stølen om dispensasjon for motorferdsel i samband med filming av eit program i serien *Autofil*.

Grunngjeving:

Produksjon av eit program om bilkjøring innan verneområdet vert vurdert å falle utanom det ein har heimel for å tillate i medhald av naturmangfaldlova § 48, som føreset at tiltaket ikkje skal vera i strid med verneformålet eller vere grunngjeve med vesentlege samfunnsinteresser. Eit underhaldningsprogram med tema bilkjøring vil vera heilt på kollisjonskurs med verneforskrift, forvaltningsplan og profil for nasjonalparken – der det i utgangspunktet er forbod mot bruk av motoriserte framkomstmiddel.

Tiltaket vert vurdert å ha svært avgrensa, eller kanskje til og med negativ marknadsvardi, da det vil vise ein heilt annan aktivitet enn det forvaltninga og reiselivet i området profilerer seg på. Samfunnsnyttan vert såleis vurdert som minimal, og unødvendig motorferdsel vil vera i strid med verneforskrifta og naturmangfaldlova. Det ligg såleis ikkje føre noko grunnlag for å gje løyve i medhald av naturmangfaldlova § 48 for bruk av motoriserte kjøretøy med det formålet som er skissert i søknaden.

ST 11/2014 Jotunheimen nasjonalpark - Dispensasjon - 2013 - Ny bru over Blåtjønnåe - DNT Oslo og Omegn / Russdalen Beitelag

Saksprotokoll i Nasjonalparkstyret for Jotunheimen og Utladalen - 23.01.2014

Vedtak

DNT Oslo og Omegn får med heimel i Naturmangfaldlova § 48 løyve til riving av eksisterande hengebru og oppføring av ny fast bru ca 500 meter nedanfor eksisterande brustad. Det blir samstundes gjeve løyve til omlegging av ruta på den aktuelle strekninga, for tilpassing til nytt kryssingspunkt over Blåtjønnåe. Tiltaket vert vurdert å vera i samsvar med forslag til forvaltningsplan for Jotunheimen nasjonalpark (2008).

Omsøkt riving og nyanlegg i same området blir ikkje vurdert å gje negative konsekvensar for naturmangfaldet. Landskapsmessig vil den nye brua ikkje gje vesentleg annan innverknad på landskapet enn eksisterande bru som skal fjernast. Det er ein føresetnad at tiltakshavar har ein gjennomføringsplan som sikrar at samla transport og øvrig miljøbelastning blir redusert til eit minimum. Alle restar etter den gamle brua skal demonterast og fraktast ut i samband med slutføring av den nye brua.

ST 12/2014 Eventuelt

Saksprotokoll i Nasjonalparkstyret for Jotunheimen og Utladalen - 23.01.2014

Rigmor Solem orienterte om motteken melding om materiell/innretningar innan nasjonalparken som tilhøyrrer Vågå Tamreinlag. Det må stillast spørsmål ved om gjerdemateriell i Rauddalen er i bruk og om tilrettelegging ved Grisletjønn er av slik karakter at det krev dispensasjon frå verneforskrifta.

Vedtak

Nasjonalparkforvaltar Kari Sveen følgjer opp overfor Vågå tamreinlag i samarbeid med Rigmor Solem i SNO.

ST 13/2014 Jotunheimen nasjonalpark - Dugnadsarbeid på rutenettet i fjellet 2014 - Dispensasjon for omlegging av DNT-sti sør for Olavsbu - Den Norske Turistforening Oslo og Omegn

Saksprotokoll i Nasjonalparkstyret for Jotunheimen og Utladalen - 23.01.2014

Vedtak

Med heimel § 3 pkt. 1.3.2 i verneforskrift for Jotunheimen nasjonalpark godkjenner nasjonalparkstyret søknaden frå DNT Oslo og Omegn om løyve til omlegging av stigtrasé langs vatnet 1444 m.o.h. sør for Olavsbu, som vist på kartutsnitt. Ny trase følgjer sør- og austsida av vatnet, og kjem inn att på den eksisterande stigen gjennom Rauddalen mot Olavsbu.

Løyve er gjeve på følgjande vilkår:

- Arbeidet med opparbeiding av stien skal følgje retningslinjene i merkehandboka til DNT.
- Merkinga på dagens stig på vestsida av vatnet skal fjernast. Det er viktig med god merking der den nye stien tek av frå dagens trase slik at fotturistar berre nyttar ein stig.

Tiltaket gjeld omlegging av ein eksisterande stig, og vil i seg sjølv ikkje medføre ekstra trafikk innan verneområdet. Total lengde merka stig vil bli litt redusert, og tiltaket er vurdert etter dei miljørettslege prinsippa i naturmangfaldlova §§ 8-12.

Det er ein føresetnad at også grunneigar gjev løyve.